

kontuola

KONTUOLA, Idolaz elkarte, ANTZUOLA. Kazetaria: Aintzane Irizar **Publizitatea:** Mireia Larrañaga **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Sergio Azkarate, Gari Bragado **Telefonoa:** 943 76 03 97 **Faxa:** 943 76 29 77.

Antzuolako hamabostekaria, 83. zenbakia. 2001eko uztailaren 20a.

Arau subsidiarioak berritzear

Osoko bilkuran behin-behineko dokumentu berria onartu zuten

Orain, jendaurrean jarri dute dokumentu berria eta horrek ekarriko dituen aldaketak, eta alegazioak aurkezteko aukera dago. Era berean, dokumentua egin duen enpresako arkitektoak, Jose Miguel Toledok, hitzaldia egin zuen behin-behinerako onartu dituzten arauen berri emateko.

Gaur egun indarrean dauden arau subsidiarioak 1984. urtekoak dira. Orduetik hona ez dituzte aldatu; hamazazpi urtean ez dituzte berrikusi, eta hori denbora luzea da. Arau subsidiarioak onartzen dituztenean, ez dira denbora jakin baterako izaten, baina zortzi bat urtetik behin berrikustea komeni izaten da, herriaren beharrak ere aldatu egiten direlako eta arauak behar horiei erantzun behar dietelako.

Antzuolak daukan arazo nagusia lurzoru industrialaren beharra da. Izan ere, sektore hori izugarri hazi da, eta lurzorurik gabe zegoen. Arau subsidiario berriekin, Deskarga aldean, Ipurtikan, hain zuzen ere, industrialdea egin ahal izango dute. Era berean, orain arte lur industrial izan diren hainbat lur bizitzeko lursail izendatuko dituzte, esate baterako, Hilaturaseko lantegia zegoen ingurua. Hantxe 110 etxebizitza egitea aurrez ikusten dute. Ibarre inguruan ere etxebizitzak egingo dituzte, hamar etxebizitzako bost etxe multzo, hain zuzen ere.

ALDE ZAHARRA ZAINDUKO DUTE

Horixe izango da arau berriek ekarriko duten beste aldaketa garrantzitsuenetako bat. Orain arteko arauak oso gogorak ziren alde zaharrari dagokionez. Izan ere, etxe zahar ugari botatzea jaso



Arau berriek alde zaharreko egitura zaintzea aurrez ikusten dute.

tzen zen dokumentu zaharrean. Dokumentu berria oso bestelakoa da alde zaharraren etorkizunari dagokionez. Kontserbadoreagoa da, gaur egungo alde zaharraren egiturari eutsi nahi dio.

Bestalde, herri barruko bidea nahiko estua da, eta arazoak sortzen dira, automobilak bi noranzkoetan ibiltzen direlako. Arau berrietan horri konponbidea ematea ere jasotzen da; horrez gain, garapen berriekin komunikazioa hobetuko dute.

ALEGAZIOETARAKO GARAIA

Dagoeneko jendaurrean dago dokumentu berria. Uztailaren 11n dokumentua egin duen arkitektoak, Jose Miguel Toledok, araei buruzko azalpenak eman zituen udaletxean egindako aurkezpenean. Orain, nahi duenak udaletxeko bulegoan dauka, eta alegazioak egiteko aukera ere badago, irail bukaera arte. Irailan, erakusketa egingo dute, jendeari ahalik eta era argiengan arau berriek ekarriko dituzten aldaketak azaltzeko.

■ ■ ■
Irail bukaera arte egongo da dokumentu berriari alegazioak egiteko aukera
■ ■ ■

Euria eginda ere, jaietan jai!

Eguraldi txarra iragarri zuten adituek astebururako. Eguenean ez zuten euririk egin; egubakoitzean, berriz, sekulako eguraldia egin zuten. Baina, asteburua zapatuan hasten da. Alardea bertan behera lagatzekotan ere egon ziren, baina, jai batzordeko eta alardeko ordezkariak bildu, eta aurrera egin behar zela erabaki zuten. Gauean igartzen zen, bai, euriaren eragina; jende gutxi samar zebilen, beste urteekin alderatuz gero. Dena dela, nahi izan duenak ondo majo pasatu du herriko jaietan!



IKURRIN DANTZAREKIN HASI ZIREN JAIK

Urduri zeuden Oinarineko txikienak. Izan ere, eurek zuten jaiet hasiera emateko ardura, eta plaza jendez beteta zegoen, gainera. Baina ez zuten hutsik egin. Saio polita eskaini ziguten.



URTEROKO IRUDIA: LIZASO ETA EGAÑA ZURRATEGIN

Egubakoitz eguerdian, inguruko gerizpe guztiak bete ziren. Jende ugari batu zen Lizaso eta Egaña entzutera. Arratsaldean, berriz, futbol partidua izan zuten bertsolariek Estalan.



UMEAK, GAZTELUKO ERREGEAK

Nahikoa lan izan zuten gurasoek. Hasieran, umeek beldur pika bat izaten dute gaztelu puzgarrietara sartzeko. Gero, berriz, zeinek esaten die alde egiteko ordua dela?



ZURRATEGIKO KIOSKOA PLATO BIHURTU ZUTEN

Arrasateko egoitzatik irten eta Antzuolara etorri ziren GOITBkoak egubakoitzeko albistegia grabatzera. Bide batez, Iñigo Ramirez elkarriketatu zuten, argazkian ikus daitekeen moduan.

ANTZUOLA

Apainketak eta
isolamenduak
Pladurrezko dibisioak

Kalegoi 21 ANTZUOLA
Tf.: 943 72 30 05
Biltegia: 943 78 70 40

EGAÑA

Era guztietako arotz lanak

Tarima eta parketa jartzèa
Zoruen kutxilatatu eta barnizatuak

Kalegoi 21, ANTZUOLA Tf.: 943 76 64 23

GOROSTI Taberna

☎ 943 76 62 96
Zurrategi plaza ANTZUOLA



HORIA, URDINA, GORRIA... KOLOREZ BETE ZUTEN HERRIA

Ez ziren Hortzmugakoak izan protagonista bakarrak. Herritarak ere protagonista bihurtu zituzten. Kolorea, musika eta mugimendua. Horrelaxe laburbil daiteke Rekolore ikuskizuna.



TRIKITI ETA ROCK GAUA

Plazan, erromeria. Beheko auzoan, berriz, rock kontzertua. Era guztietako musika, era guztietako gustuak asetzeko. Plazan, Triki ta Ke taldea. Beheko plazan, Flitter, Fits eta Supercools.



VALDEJUNQUERAKO BATAILAN EURIRIK EGIN OTE ZUEN?

Zapatuko alardean, behintzat, ez zuen bakerik eman euriak, eta blai eginda bukatu zuten guztiek, baita kanoiek ere; kostata, baina sutu zituzten, azkenean!



HERRI BAZKARIAN, ELIZPEA BETETA

Jende asko izan zen bazkarian. Bazkalostean, Karmen eta Eltzikortaren senideak omendu zituzten. Karmenek, gainera, telefonoz berba batzuk esateko aukera izan zuen.

Igor eta Txomin



Margoak orokorrean

ANTZUOLA

609 157 131

BERGARA

609 150 164



Zabalo Iturgintza S.L.

Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak

- Bero-aurrezteak
- Bainugelak. Proiektuak momentuan egiten ditugu DIBaren bidez
- Birgaitze-espeditentak bideratzen ditugu

berbaola

Aintzane Narbaez, urrezko domina gimnasia

«Gogorra da aldi berean ikasi eta gimnasia egitea»

Aintzane Narbaez gimnasta antzuolarrak urrezko domina eskuratu zuen Valladoliden jokatuak Espainiako Txapelketan. Sokarekin irabazi zuen domina. Eibarko Ipurua taldean dabil Aintzane. Orain, Espainiako Taldekako Txapelketa prestatzen dihardu.

Soka ariketan urrezko domina eskuratu duzu. Espero zenuen?

Bada, egia esan, ez nuen espero. Kontua da jauzi handiak egiten ditudala, potentzia handia daukat; aurkariak, berriz, 17 urtetik gorakoak dira, eta gorpuzkera aldetik ezberdinak dira, garatuagoak daude; horregatik ez daukate potentzia handirik. Nik uste dut potentzia hori garrantzitsua izan zela urrezko domina lortzeko.

Baina beste aparatu batzuekin ere aritu zinen, ezta?

Bai, uztaiarekin eta pilotarekin ere aritu nintzen. Uztaiarekin oso ariketa ona egin nuen, baina musika amaitzera zihoala, azkeneko jaurtiketa egin eta erori egin zitzaidan. Akats horrekin asko galdu nuen.

Pilotarekin, berriz, ez naiz oso ondo ibiltzen. Pilotarekin espezialistak direnak oso dotoreak dira, elastikotasun handia dute. Hala eta guztiz ere, bederatzigarren geratu nintzen.

Zenbat lan-saio egiten dituzu astean?

Astean lau edo bost egunez entrenatzen gara, hiru ordu egunean. Txapelketa garaian, egunero entrenatzen gara.

Zelan moldatzen zara aldi berean ikasi eta gimnasia egiteko?

Egia esan, oso gogorra da. Gainera, txapelketarik garrantzitsuenak ekainean izaten dira, eta azterketa garaia



Aintzane Narbaez gimnasta.

izanda, bada, zaila da. Lehengoan ere, Valladolidetik bueltatu eta ikasten hasi behar izan nintzen. Dena dela, orain bezala, zerbait irabaziz gero, konturatzen zara merezi izan duela.

Antzuolan badago zaletasunik?

Ez. Lehen Antzuolako jende gehiago zebilen, baina orain ni izango naiz bakarra. Gainera, esan behar da gimnasia ez dela batere baloratzen; oso kirol gogorra da, baina komunikabideek eurek ez diote kasu handirik egiten. Espainiako Txapelketak berak ere ez du ia lekurik izan komunikabideetan.

Hurrengo txapelketa, noiz?

Abenduan Espainiako taldekako txapelketa daukagu, eta hori prestatzen hasi gara. Seguruena, senior mailan jokatuko dut. Podiumera igoko gara, segurua.

IRAILAREN 9AN OSPATUKO DUTE FINALISTA EGUNA

Aurtengoan 27. aldiz ospatuko dute jai hori. 1974ko irailaren 8an egin zuten lehendabiziko aldiz.

Garai hartan Koroson ospatzen zuten. Aspaldiko urteetan, berriz, Trekutzen, eta halaxe ospatuko dute aurtengoan ere. Goizeko 9:00etan jarri dute hitzordua Herriko Plazan. Handik irten, eta Trekutera joan aurretik, bizpahiru orduko ibilaldia egingo dute Antzuola inguruko mendietan. Trekutera iritsitakoan, Gaztelugaineko txabolan, hamarretakoa ere izango dute mendizaleek: salda eta txorizoa jateko aukera izango dute. Bazkaltzeko mahaiak jarriko dituzte Arrola elkartekoek, baina bazkaria norberak eraman beharko du. Edatekoari dagokionez, berriz, taberna jarriko dute Arrolakoek, beraz, ez da etxetik eraman beharrik izango. Bazkalosterako ere hainbat gauza antolatu dute. Alde batetik, umeendako jolasak egongo dira, eta baita dantzarako aukera ere, Antzuolako trikitilari gazteekin.

DAVID LOPEZ, IX. IÑAKI LETE MEMORIALEKO TXAPELDUNA

David Lopez Cafes Baque taldeko txirrindulariak irabazi zuen uztailaren 8an, domekan, jokatu zuten txirrindulari lasterketa. 19 eta 20 urte bitarteko txirrindulariek parte hartu zuten lasterketa horretan. Goizeko 9:30ean hasi zen proba eta 12:30 aldera amaitu zuten Herriko Plazan. David Lopez bakar-bakarrak iritsi zen helmugara (2:58:14); 22 segundoko aldea atera zion bigarren sailkatuari, Tegui taldeko Alan Perez txirrindulariari, hain zuzen ere. Alanekin batera ailegatu zen Alberto Contador Iberdrola taldeko txirrindularia ere, eta hirugarren postuan sailkatu zen. Urtero bezala, Iñaki Leteren alabak eman zion saria txapeladunari.

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Zoruen kutxilatuta eta barnizaketa •

GAILUR

taberna eta gozotegia

Buztinzuri 13 ANTZUOLA
Tf. 943 78 70 32

LARREA

TABERNA

Kalebarren 17
ANTZUOLA

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Apainketarako eta industriarako pinturak •
- Paper margotutak •
- Moketak eta tapizatuak •